

歷朝閨雅卷七目錄

七言絕句

唐

上官昭容 一首

上幸溫泉宮應制

楊貴妃 一首

贈張雲容舞

王韞秀 一首

寄姊妹

孫氏 一首



謝人送酒

趙氏 一首

代杜羔贈人

崔公達 一首

獨夜詞

姚月華 二首

古怨

楚妃怨

張窈窕 一首

春思

葛鵲兒 一首

會仙詩

王氏 一首

汰王灘寄夫詩

崔萱 一首

豪家子

劉氏婦 二首

詠明月堂

慎三史 一首

留別

京兆女子 一首

題興元明珠亭

陳玉蘭 一首

寄外征衣

楊監真 一首

得授仙詩

葛氏女 一首

和潘雍

關盼盼 二首

燕子樓感事

省娘 二首

和錦城春望

和理笙

步非煙 一首

贈趙生蟬錦香囊

玉簫 一首

別外詩

李冶 一首

偶居

魚玄機 二首

題隱霧亭

重陽阻雨

薛濤 二十首

酬郭簡州寄柑子

憶荔枝

賦凌雲寺 二首

上王尚書

金燈花

試新服裁製初成 三首

柳絮

棠梨花和李太尉

菱苻沼

春郊遊眺寄孫處士

九日雨

送盧員外

上川主武相國

送鄭睂州

秋泉

籌邊樓

酬吳隨君

周德華 一首

楊柳枝詞

段東美 一首

席上贈薛宜僚

史鳳 二首

神雞枕

迷香洞

卓英英 三首

錦城春望

理笙

遊福感寺答少年

徐月英 一首

送人

趙鸞鸞 二首

雲鬟

柳眉

纖指

太原妓 一首

寄歐陽詹

襄陽妓 一首

送武補闕

王福娘 一首

寄紅箋

盛小叢 一首

詠突厥三臺

曹文姬 一首

送春詩

歷朝閨雅卷七

經筵日講官 起居注翰林院掌院學士兼禮部侍郎教習庶吉士加六級臣揆敘奉

教纂進

七言絕句

唐

上官昭容

上幸溫泉宮應制 選一

景龍三年十二月十二日中宗皇帝駕幸

新豐溫泉宮敕蒲州刺史徐彥伯入仗同

學士例因與武平一等獻詩上官昭容亦

賦絕句三首以獻

鸞旗掣曳拂空迴羽騎驂躡躡景來隱隱驪山雲外
聳迢迢御帳日邊開

楊貴妃

贈張雲容舞

羅袖動香香不已紅蕖裊裊秋煙裏輕雲嶺上乍搖
風嫩柳池邊初拂水

王韞秀

寄姊妹

相國已隨麟閣貴家風第一右丞詩笄年解笑鳴機

婦耻見蘇秦富貴時

孫氏

謝人送酒

謝將清酒寄愁人澄徹甘泉氣味真好是綠牕風月
夜一杯搖蕩滿懷春

趙氏

代杜羔贈人

澹澹春風花落時不堪愁望更相思無金可買長門
賦有恨空吟團扇詩

崔公達

獨夜詞

晴天霜落寒風急錦帳羅幃羞更入秦箏不復續斷
絃迴身掩淚挑燈立

姚月華

古怨

春草萋萋春水綠對此思君淚相續羞將離恨向東
風理盡秦箏不成曲

楚妃怨

梧桐葉下黃金井橫架轆轤牽素綆美人初起天未
明手拂銀瓶秋水冷

張窈窕

春思

井上梧桐是妾移夜來花發最高枝忽然不向深閨
種春過門前爭得知

葛鵑兒

會仙詩

煙霞迤邐接蓬萊宮殿參差曉月開羣玉山前人別
處紫鸞飛起望仙臺

王氏

汰王灘寄夫詩

何事潘郎戀別筵
離情未斷妾心懸
汰王灘下相思處
猿叫空山月滿船

崔萱

豪家子

年少家藏累代金
紅樓盡日醉沉沉
馬非蹀躞寧酬價
人不嬋娟肯動心

劉氏婦

詠明月堂

蟬鬢驚秋華髮新
可憐紅隙盡埃塵
西山一夢何年覺
明月堂前不見人

其二

玉鈎風急響丁東
回首西山似夢中
明月堂前人不到
庭梧一夜老秋風

慎三史

留別

當時心事已相關
雨散雲飛一餉間
便掛孤帆從此去
不堪重上望夫山

京兆女子

題興元明珠亭

寂寥滿地落花紅
獨有離人萬恨中
回首池塘更無

語手彈珠淚背東風

陳玉蘭

寄外征衣

夫戍邊關妾在吳西風吹妾妾憂夫一行書寄千行
淚寒到君邊衣到無

楊監真

得授仙詩

天教絕粒應精誠道啟真心覺漸清雲外仙歌笙管
合花間風引步虛聲

葛氏女

和潘雍

九天天遠瑞煙中駕鶴驂龍意已同從此三山山上
月瓊花開處照春風

關盼盼

燕子樓感事

樓上殘燈伴曉霜獨眠人起合歡牀相思一夜情多
少地角天涯未是長

其二

適看鴻雁岳陽迴又覩玄禽逼社來瑤瑟玉簫無意
緒任從蛛網任從灰

看娘

和錦城春望

蠶市初開處處春
九衢明艷起香塵
世間總有浮華事
爭及仙山出世人

和理笙

但於閨閣熟吹笙
太白真仙自有情
他日丹青驂白鳳
何愁子晉下聞聲

步非煙

寄趙生蟬錦香囊

無力嚴粧倚繡櫳
暗題蟬錦思難窮
近來贏得傷春

病柳弱花欹怯曉風

玉簫

別外詩

黃雀含來已數春
別時留解贈佳人
長江不見魚書至
爲道相思夢入秦

李冶

偶居

心遠浮雲去不還
心雲併在有無間
狂風何事相搖蕩
吹向南山復北山

魚玄機

題隱霧亭

春花秋月入詩篇
白日清宵是散仙
空捲珠簾不會
下長移一榻對山眠

重陽阻雨

滿庭黃菊籬邊拆
兩朵芙蓉鏡裏開
落帽臺前風雨
阻不知何處醉金杯

薛濤

酬郭簡州寄柑子

霜規不讓黃金色
圓質仍含御史香
何處同聲情最
異臨川太守謝家郎

憶荔枝

傳聞象郡隔南荒
終日豐肌不可忘
近有青衣連楚
水素漿還得類瓊漿

賦凌雲寺二首

聞說凌雲寺裏苔
風高日近絕纖埃
橫雲點染芙蓉
壁似待詩人寶月來

其二

聞說凌雲寺裏花
飛空遶磴逐江斜
有時鎖得嫦娥
鏡鏤出瑤臺五色霞

上王尚書

碧玉雙幢白玉郎初辭天帝下扶桑手持雲篆題新
榜十萬人家春日長

金燈花

闌邊不見蘘蘘葉砌下唯翻艷艷叢細視欲將何物
比曉霞初疊赤城宮

試新服裁製初成三首

紫陽宮裏賜紅綃仙霧朦朧隔海遙霜兔毳寒冰繭
靜嫦娥笑指織星橋

其二

九氣分爲九色霞五靈仙馭五雲車春風因過東君

舍偷樣人間染百花

其三

長裙本是上清儀會逐羣仙把玉芝每到宮中歌舞
會折腰齊唱步虛詞

柳絮

二月楊花輕復微春風飄蕩惹人衣他家本是無情
物一向南飛又北飛

棠梨花和李太尉

吳均蕙圃移嘉木正及東溪春雨時日晚鶯啼何所
爲淺深紅膩壓繁枝

菱苻沼

水荇斜牽綠藻浮
柳絲和葉卧清流
何時得向溪頭
賞旋摘菱花旋泛舟

春郊遊眺寄孫處士

今朝縱目翫芳菲
夾纈籠裙繡地衣
滿袖滿頭兼手
把教人識是看花歸

九日雨

茱萸秋節佳期阻
金菊寒花滿院香
神女欲來知有意
先令雲雨暗池塘

送盧員外

玉壘山前風雪夜
錦官城外別離魂
信陵公子如相
問長向夷門感舊恩

上川王武相國

東閣移尊綺席陳
貂簪龍節更宜春
軍城畫角三聲
歇雲幕初垂紅燭新

送鄭睂州

雨暗睂山江水流
離人掩袂立高樓
雙旌千騎駢東
陌獨有羅敷望上頭

秋泉

冷色初澄一帶煙
幽聲遙瀉十絲絃
長來枕上牽情

思不使愁人半夜眠

籌邊樓

平臨雲鳥八牕秋壯壓西川四十州諸將莫貪羌族
馬最高層處見邊頭

酬吳隨君

支公別墅接花局買得前山總未經入戶剡溪雲水
滿高齋咫尺暝青冥

周德華

楊柳枝詞

清溪一曲柳千條二十年前舊板橋曾與情人橋上

別更無消息到今朝

段東美

席上贈薛宜僚

阿母桃花方似錦王孫草色正如煙不須更向滄溟
望惆悵歡情恰一年

史鳳

神雞枕

枕繪鴛鴦久與棲新裁霧縠鬪神雞與郎酣夢渾忘
曉雞亦留連不肯啼

迷香洞

洞口飛瓊佩羽霓香風飄拂使人迷自從邂逅芙蓉
帳不數桃花流水溪

卓英英

錦城春望

和風裝點錦城春細雨如絲壓玉塵漫把詩情訪奇
景艷花濃酒屬閒人

理笙

頻倚銀屏理鳳笙調中幽意起春情因思往事成惆
悵不得緜山和一聲

遊福感寺答少年

牡丹未及開時節况是秋風莫近前留待來年二三
月一枝和露壓神仙

徐月英

送人

惆悵人間萬事違兩人同去一人歸生憎平望亭前
水忍照鴛鴦相背飛

趙鸞鸞

雲鬟

擾擾香雲濕未乾鴉翎蟬翼膩光寒側邊斜插黃金
鳳粧罷夫君帶笑看

柳眉

彎彎柳葉愁邊戲湛湛菱花照處頻嫵媚不煩螺子黛春山書出自精神

纖指

纖纖軟玉削春葱長在香羅翠袖中昨日琵琶絃索上分明滿甲染猩紅

太原妓

寄歐陽詹

自從別後減容光半是思郎半恨郎欲識舊來雲髻樣爲奴開取縷金箱

襄陽妓

送武補闕

弄珠灘上欲消魂獨把離懷寄酒尊無限煙花不留意忍教芳草怨王孫

王福娘

寄紅箋

日日悲傷未有圖懶將心事話凡夫非同覆水應收得只問仙郎有意無

盛小叢

詠笑厥三臺

雁門山上雁初飛
馬邑關中馬正肥
日旰山西逢驛使
殷勤南北送征衣

曹文姬

送春詩

仙家無夜亦無秋
紅日春風滿翠樓
遙望碧霄歸路穩
可能同駕五雲虬

歷朝閩雅卷七

終

歷朝閩雅卷八目錄

七言絕句

唐

蜀花藥夫人費氏

七十二首

宮詞

李舜絃夫人

一首

蜀宮應制

歷朝閨雅卷八

經筵日講官 起居注翰林院學士兼禮部侍郎教習庶吉士加六級臣揆敘奉

救纂進

七言絕句

唐

蜀花藥夫人費氏

宮詞

五雲樓閣鳳城間
花木長新日月閑
三十六宮連內苑
太平天子住崑山

其二

會真廣殿約宮墻樓閣相扶倚太陽淨甃玉堦橫水
岸御爐香氣撲龍牀

其三

龍池九曲遠相通楊柳絲牽兩岸風長似江南好風
景畫船來去碧波中

其四

東內斜將紫禁通龍池鳳苑夾城中曉鐘聲斷嚴粧
罷院院紗牕海日紅

其五

殿名新立號重光島上亭臺盡改張但是一人行幸

處黃金閣子鏤牙牀

其六

厨船進食簇時新侍宴無非是近臣日午殿頭宣索
鱠隔花催喚打魚人

其七

立春日進內園花紅藥輕輕嫩淺霞跪到玉堦猶帶
露一時宣賜與宮娃

其八

離宮別院遶宮城金板輕敲合鳳笙夜夜月明花樹
底傍池長有按歌聲

其九

御製新翻曲子成六宮纔唱未知名盡將麝篆來抄
譜先按君王玉笛聲

其十

旋移紅樹劖新苔宣使龍池更鑿開展得綠波寬似
海水心樓殿勝蓬萊

其十一

太虛高閣凌虛殿背倚城牆面枕池諸院各分娘子
位羊車到處不教知

其十二

修儀承寵住龍池掃地焚香日午時等候大家來院
裏看教鸚鵡念新詩

其十三

才人出入每參隨筆硯將行遶曲池能向彩牋書大
字忽防禦製寫新詩

其十四

殿前排宴賞花開宮女侵晨探幾回斜望花間遙舉
袖傳宣聲喚近臣來

其十五

小毬場近曲池頭宣喚勳臣試打毬先向畫樓排御

幄管絃聲動立浮油

其十六

供奉頭籌不敢爭上棚等喚近臣名內人酌酒才宣
賜馬上齊呼萬歲聲

其十七

自教宮娥學打毬玉鞍初跨柳腰柔上棚知是官家
認遍遍長贏第一籌

其十八

婕妤生長帝王家常近龍顏逐翠華楊柳岸長春日
暮傍池行困倚桃花

其十九

月頭支給買花錢滿殿官人近數千遇着唱名多不
語含羞走過御牀前

其二十

水車踏水上宮城寢殿簷頭滴滴鳴助得聖人高枕
興夜深長作遠灘聲

其二十一

平頭船子小龍牀多少神仙立御傍旋刺高竿令過
岸滿池春水蘸紅粧

其二十二

苑東天子愛巡遊御岸花堤枕碧流新教內人工射
鴨長將弓箭遶池頭

其二十三

羅衫玉帶最風流斜插銀篦慢裹頭閑得殿前騎御
馬掉鞭橫過小紅樓

其二十四

沉香亭子傍池斜夏日巡遊歇翠華簾畔越盆盛淨
水內人手裏割銀瓜

其二十五

金書香臺出露盤黃龍雕刻遶朱欄焚修每遇三元

日天子親簪白玉冠

其二十六

六宮一例羅冠子新樣交鑄白玉花欲試淡粧兼道
服面前宣與堊孟家

其二十七

三月櫻桃乍熟時內人相引看紅枝回頭索取黃金
彈遶樹藏身打雀兒

其二十八

春天睡起曉粧成隨侍君王觸處行畫得自家梳洗
樣相憑女伴把來呈

其二十九

錦城上起凝煙閣擁殿遮欄一向高認得聖顏遙望
見碧欄干映赭黃袍

其三十

春早尋花入內園競傳宣旨欲黃昏明朝駕幸遊蠶
市暗使羶車就苑門

其三十一

半夜船搖載內家水門紅蠟一行斜聖人止在宮中
飲宣使池頭旋折花

其三十二

春日龍池小宴開岸邊亭子號流盃沉檀刻作神仙
女對捧金樽水上來

其三十三

慢梳鬢髻著輕紅春早爭求芍藥叢近日承恩移住
處夾城裏面占新宮

其三十四

別色宮司御輦家黃衫束帶臉如花深宮內苑參承
慣常從金輿到日斜

其三十五

日高房裏學圍棋等候官家未出時爲賭金錢爭路

數專憂女伴怪來遲

其三十六

擣菹冷淡學投壺
箭倚腰身約畫圖
盡對君王稱妙手
一人來謝一人輸

其三十七

宣徽院約池南岸
粉壁紅牕畫不成
總是一人行幸處
徹長聞奏管絃聲

其三十八

丹霞亭浸池心冷
曲沼門含水脚清
傍岸鴛鴦皆著對
時時出向淺沙行

其三十九

海棠花發盛春天
遊賞無時引御筵
遶岸結成紅錦帳
暖枝猶拂畫樓船

其四十

晚來隨駕上城遊
行到東西百尺樓
回望苑中花柳色
綠陰紅艷滿池頭

其四十一

牡丹移向苑中栽
盡是藩方進入來
未到末春綠地暖
數般顏色一時開

其四十二

卷之七

七言絕句

七

明朝臘日官家出隨駕先須點內人回鶻衣裝回鶻
馬就中偏稱小腰身

其四十三

鞍鞞盤龍鬧色裝黃金壓胯紫油韁自從揀得真龍
骨別置東頭小馬坊

其四十四

翠輦每從城畔出內人相次簇池邊嫩荷花裏搖船
去一陣香風送水仙

其四十五

池心小樣釣魚船入翫偏宜向晚天挂得綵帆教便

放急風吹過水門邊

其四十六

傍池居住有漁家收網搖船到淺沙預進洪魚供日
料滿筐跳躍白銀花

其四十七

會仙觀內玉清壇新點宮人作女冠每度駕來羞不
出羽衣初着怕人看

其四十八

法雲寺裏中元節又是官家降誕辰滿殿香花爭供
養內園先占得鋪陳

其四十九

小院珠簾着地垂
院中排比不相知
羨他鸚鵡能言語
牕裏偷教鸚鵡兒

其五十

內人承寵賜新房
紅紙泥牕遶畫廊
種得海柑才結子
乞求自進與君王

其五十一

翡翠簾前日影斜
御溝春水浸成霞
侍臣向晚隨天步
共看池頭滿樹花

其五十二

金碧闌干倚岸邊
卷簾初聽一聲蟬
殿頭日午搖紈扇
宮女爭來玉座前

其五十三

宮娥小小艷紅粧
唱得歌聲遶畫梁
緣是太妃新進
入座前頒賜綵羅囊

其五十四

新翻酒令著詞章
侍宴初開意却忙
宣使近臣傳賜
本書家院裏徧抄將

其五十五

楊柳陰中引御溝
碧梧桐樹擁朱樓
金陵城共滕王

閣畫向丹青也合羞

其五十六

寒食清明小殿傍
綵樓雙夾鬪雞場
內人對御分明看
先賭紅羅十擔牀

其五十七

大臣承寵賜新粧
梔子園東柳岸傍
每日聖恩親幸到
板橋頭是讀書堂

其五十八

梨園弟子簇池頭
小樂携來候宴遊
旋炙紅笙先按拍
海棠花下合梁州

其五十九

內人深夜學迷藏
遍透花叢水岸傍
乘興或來仙洞裏
大家尋覓一時忙

其六十

酒庫新修近水傍
撥醅初熟五雲漿
殿前供御頻宣索
進入花間一陣香

其六十一

白藤花限白銀花
閣子門當寢殿斜
近被宮中知了事
每來隨駕使煎茶

其六十二

西毬場裏打毬回御宴先於苑內開宣索教坊諸伎
樂傍池催喚入船來

其六十三

昭儀侍宴足精神玉燭抽看記飲巡倚賴識書爲錄
事燈前時復錯瞞人

其六十四

後宮阿監裏羅巾出入經過苑圍頻承奉聖顏憂誤
失就中長怕內夫人

其六十五

管絃聲急滿龍池宮女藏鈎夜宴時好是聖人親捉

得便將濃墨掃雙眉

其六十六

密色紅泥地火爐內人冬日晚傳呼今宵駕幸龍池
宿排比椒房得煖無

其六十七

畫船花舫總新裝進入池心近島傍松栢樓牕楠木
板暖風吹過一團香

其六十八

三清臺近苑墻東樓檻層層映水紅盡日綺羅人度
曲管絃聲在半天中

其六十九

安排諸院接行廊外檻周回十里強青錦地衣紅繡
毯盡鋪龍腦鬱金香

其七十

安排竹柵與巴籬養得新生鶉鴿兒宣受內家專餵
飼花毛間看總皆知

其七十一

年初十五最風流新賜雲鬟使上頭按罷霓裳歸院
裏畫樓雲閣總重修

其七十二

歷朝閩雅卷九目錄

七言絕句

宋

楊太后 二十首

宮詞

李清照 一首

春殘

王氏 一首

雪中觀妓

劉氏 一首

寄外

朱淑真

十六首

春日雜書

秋夜

晴和

立春

中春書事

落花

春日雜書

二首

下湖卽事

翠華香重玉爐添
雙鳳樓頭曉日暹
扇掩紅鸞金殿

悄一聲清蹕卷珠簾

李舜絃夫人

蜀宮應制

禁樹濃花開後庭
飲筵中散酒微醒
濛濛雨草瑤階
濕鐘曉愁吟獨倚屏

歷朝閩雅卷八終



